

東 京 圖 書 館

漢	正
書	史
門	類
函	架
號	冊

三九
六二
三三

漢 書 門

類	號	函	架	冊
一	四	九	四	三
六	九	九	四	六
一	九	九	四	三

五九
四四
三六



內 閣 文 庫

漢	書
類	號
冊	架
一	四
九	九
五	九
六	四
二	六
日	函
六	七

不許帶出

內 閣 文 庫
番 號 漢 5941
冊 數 36 (24)
函 號 280 18





孫亮主

三嗣主傳第三

孫亮字子明，權少子也。權春秋高而亮最少，故尤留
意。姊全公主嘗譖太子和，子母心自不安，因倚權意
欲豫自結。數稱述全尚女，勸為亮納。赤烏十三年，和
廢，權遂立亮為太子。以全氏為妃。太元元年，夏，亮母

國志

晉 平陽侯相陳

壽 撰述

宋 西鄉侯裴松之 集註

明 長州 陳仁錫 評閱

吳

三嗣主

孫亮

潘皇后

潘氏立為皇后冬、權寢疾、徵大將軍諸葛恪為太子、太傅會稽太守滕胤為太常、並受詔輔太子、明年四月、權薨、太子即尊號、大赦、改元、是歲於魏嘉平四年也、閏月以恪為帝太傅、胤為衛將軍、領尚書事、上、大將軍呂岱為大司馬、諸文武在位皆進爵、班賞、冗官加等、冬十月、太傅恪率軍遏巢湖、巢音祖反城東興使將軍全端守西城、都尉留略守東城、十二月朔丙申、大風雷電、魏使將軍諸葛誕、胡遵等步騎七萬圍東興、將軍王昶攻南郡、毋丘儉向武昌、甲寅、恪以六兵赴敵、戊午、兵及東興、交戰、大破魏軍、殺將軍韓綜、桓

諸葛恪
滕胤受
遺詔

呂岱
城東興

全皇后

孫峻殺恪

嘉平是月雷雨、天災、武昌端門改作端門、又災、內殿、臣松之案、孫權赤烏十年、詔徙武昌宮材瓦、以繕治建康宮、而此猶有端門內殿、實錄云、諸葛恪有遷都意、更起武昌宮、今所災者、恪所新作也、二年春正月丙寅、立皇后全氏、大赦、庚午、王昶等皆退、二月、軍還自東興、大行封賞、三月、恪率軍伐魏、夏四月、圍新城、大疫、兵卒死者大半、秋八月、恪引軍還、冬十月、大饗武衛將軍孫峻、伏兵殺恪於殿堂、大赦、以峻為丞相、封富春侯、十一月、有大鳥、五見于春申、明年改元

孫亮

吳侯英

五鳳元年夏大水秋吳侯英謀殺峻覺英自殺冬十一月星隕于斗牛

江表傳曰是歲交趾稗草化為稻

留贊

二年春正月魏鎮東大將軍毋丘儉前將軍文欽以淮南之衆西入戰于樂嘉閏月壬辰峻及驃騎將軍呂據左將軍留贊率兵襲壽春軍及東興聞欽等敗壬寅兵進于橐臬欽詣峻降淮南餘衆數萬口來奔魏諸葛誕入壽春峻引軍還二月及魏將軍曹珍遇于高亭交戰珍敗績留誕別將蔣班所敗于菰陂贊及將軍孫楞蔣修等皆遇害三月使鎮南將軍朱異

高亭之捷
菰陂之敗

壽春

孫儀等

城廣陵

襲安豐不克秋七月將軍孫儀張怡林恂等謀殺峻發覺儀自殺恂等伏辜陽羨離里山太石自立使衛尉馮朝城廣陵拜將軍吳穰為廣陵太守留略為東海太守是歲大旱十二月作太廟以馮朝為監軍使者督徐州諸軍事民饑軍士怨咷

太平元年春

征魏

吳歷曰正月為鐘立廟稱太祖廟二月朔建業火峻用征北大將軍文欽討將征魏八月先遣欽及驃騎呂據車騎劉纂鎮南朱異前將軍唐咨軍自江都入淮泗九月丁亥峻卒以從弟偏將

外夷

軍綝為侍中武衛將軍領中外諸軍事還據等聞
 綝代峻大怒已丑大司馬呂岱卒壬辰太白犯南斗
 據欽咨等表薦衛將軍滕胤為丞相綝不聽癸卯更
 以胤為大司馬代呂岱駐武昌據引兵還欲討綝綝
 遣使以詔書告諭欽咨等使取據冬十月丁未遣孫
 憲及丁奉施寬等以舟兵逆據於江都遣將軍劉丞
 督步騎攻胤胤兵敗夷滅巴西大赦改年辛亥獲呂
 據於新州十一月以綝為大將軍假節封永康侯孫
 憲與將軍王惇謀殺綝事覺綝殺惇迫憲令自殺十
 二月使五官中郎將刁玄告亂于蜀二年春二月甲

胤被獲

孫憲
正惇

始親政事

亂置政

小小聰明
無正人輔
導知不久
矣

寅大雨震電乙卯雪大寒以長沙東部為湘東郡西
 部為衡陽郡會稽東部為臨海郡豫章東部為臨川
 郡夏四月亮臨正殿大赦始親政事綝所表奏多見
 難問又科兵子弟年十八已下十五已上得三千餘
 人選大將子弟年少有勇力者為之將帥亮曰吾立
 此軍欲與之俱長日於苑中習焉
 吳歷曰亮數出中書視孫權舊事問左右侍臣先
 帝數有特制今大將軍問事但令我書嗚邪亮後
 出西苑方食生梅使黃門至中藏取蜜漬梅蜜中
 有鼠矢召問藏吏藏吏扣頭亮問吏曰黃門從汝

求蜜邪吏曰向求實不敢與黃門不服侍中乃立
張邠啓黃門藏吏辭語不同請付獄推盡亮曰此
易知耳令被鼠矢矢裏燥亮大笑謂玄邠曰若矢
先在蜜中中外當俱濕今外濕裏燥必是黃門所
爲黃門首服左右莫不驚悚江表傳曰亮使黃
門以銀椀并蓋就中藏吏取交州所獻甘蔗餽黃
門先恨藏吏以鼠矢投餽中啓言藏吏不謹亮呼
吏持餽器入問曰此器既蓋之且有掩覆無緣有
此黃門將有恨於汝邪吏叩頭曰嘗從某求宮中
莞席官席有數不敢與亮曰必是此也覆問黃門

遺事不足
紀

其首伏即於目前加髡鞭斥付外署臣松之以
爲鼠矢新者亦表裏皆濕黃門取新矢則無以得
其奸也緣遇燥矢故成亮之惠然猶謂吳曆此言
不如江表傳爲實也

五月魏征東大將軍諸葛誕以淮南之衆保壽春城
遣將軍朱臣稱臣上疏又遣子靚長史吳綱諸牙門
子弟爲質六月使文欽唐咨全端等步騎二萬救誕
朱異自虎林率衆襲夏口夏口督孫壹奔魏秋七月
綝率衆救壽春次于鏞里朱異至自夏口綝使異爲
前部督與丁奉等將介士五萬解圍八月會稽南部

救魏

會稽南部

于密等

反殺都尉鄱陽新都民為亂廷尉于密步兵校尉鄭
胃將軍鍾離牧率軍討之朱異以軍士乏食引還
大怒九月朔己巳殺異於鑊里辛未繇自鑊里還建
業甲申大赦十一月全緒子禕儀以其母奔魏十二
月全端懌等自壽春城詣司馬文王

殺文欽

三年春正月諸葛誕殺文欽三月司馬文王克壽春
誕及左右戰死將吏已下皆降秋七月封故齊王奮
為章安侯詔州郡伐官材自八月沉陰不雨四十餘
日亮以繇專恣與太常全尚將軍劉丞謀誅繇九月
戊午繇以兵取尚遣弟恩攻殺丞於蒼龍門外召大

全尚
劉丞
擅廢

孫休

臣會宮門黜亮為會稽王時年十六

孫休字子烈權第六子年十三從中書郎射慈郎中

盛冲受學太元二年正月封琅玕王居虎林四月權

薨休弟亮承統諸葛恪秉政不欲諸王在濱江兵馬

之地徙休於丹陽郡太守李衡數以事侵休休上書

乞徙他郡詔徙會稽居數歲夢乘龍上天顧不見尾

覺而異之孫亮廢己未孫繇使宗正孫楷與中書郎

董朝迎休休初聞問意疑楷朝具述繇等所以奉迎

本意留一日二夜遂發十月戊寅行至曲阿有老公

于休叩頭曰事久變生天下喁喁願陛下速行休善

徙那
李衡

迎立
董朝

于休

之是日進及布塞亭武衛將軍恩行丞相事率百僚以乘輿法駕迎於永昌亭築宮以武帳為便殿設御座已卯休至望便殿止住使孫楷先見恩楷還休乘輦進羣臣再拜稱臣休升便殿謙不即御坐止東廡戶曹尚書前即階下讚奏丞相奉璽符休三讓羣臣三請休曰將相諸侯咸推寡人寡人敢不承受璽符羣臣以次奉引休就乘輿百官陪位緄以兵千人迎於半野拜于道側休下車答拜即日御正殿大赦改元是歲於魏其露三年也

益核

永安元年冬十月壬午詔曰夫褒德賞功古今通義

張布

釋李衡

此一事甚見作略

其以大將軍緄為丞相荊州牧增食五縣武衛將軍恩為御史大夫衛將軍中軍督封縣侯威遠將軍授為右將軍縣侯偏將軍幹雜號將軍亭侯長水校尉張布輔導勤勞以布為輔義將軍封永康侯董朝親迎封為鄉侯又詔曰丹陽太守李衡以往事之嫌自拘有司夫射鉤斬祛在君為君遣衡還郡勿令自疑襄陽記曰衡字叔平本襄陽卒家于也漢末入吳為武昌庶民聞芋衡有入人物之鑒在于之衡曰多事之世尚書劇曹郎才也是時校事呂壹操弄權柄大臣畏偏莫有敢言衡曰非李衡無能困之者

三國志

吳書三 孫休

七

贊

遂共薦為郎權引見衡口陳壹奸短數千言權有愧色數月壹被誅而衡大見顯擢後常為諸葛恪司馬幹恪府事恪被誅求為丹陽太守時孫休在郡治衡數以法繩之妻習氏每諫衡不從會休立衡憂懼謂妻曰不用卿言以至於此遂欲奔魏妻曰不可君本庶民耳先帝相拔過重既數作無禮而復逆自猜嫌逃叛求活以此北歸何面見中國人乎衡曰計何所出妻曰瑯琊王素好善慕名左欲自顯于天下終不以私嫌殺君明矣可自囚詣獄表列前失顯求受罪如此乃當逆見優饒非

不治家亦
免禍一要
策

但直活而已衡從之果得無患又加威遠將軍授以棨戟衡每欲治家妻輒不聽後密遣客十人于武陵龍陽汎洲上作宅種甘橘千株臨死勅兒曰汝毋惡我治家故窮如是然吾州里有千頭木奴不責汝衣食歲上一匹絹亦可足用耳衡亡後二十餘日兒以白母母曰此當是種甘橘也汝家失十戶客來七八年必汝父遺為宅汝父恒稱太史公言江陵千樹橘當封君家吾答曰且人患無德義不患不富若貴而能貧方好耳用此何為吳末衡耳橘成歲得絹數千匹家道殷足晉咸康中其

宅上枯樹猶在

已丑封孫皓為烏程侯皓弟德錢唐侯謙永安侯

江表傳曰羣臣奏立皇后太子詔曰朕以寡德奉

承洪業蒞事日淺恩澤未敷加后妃之號嗣子之

位非所及也有司又固請休謙虛不許

十一月甲午風四轉五復蒙霧連日繼一門五侯皆

典禁兵權傾人主有所陳述敬而不違於是益恣休

恐其有變數加賞賜丙申詔曰大將軍忠敬內發首

建大計以安社稷卿士內外咸贊其議並有勲勞昔

霍光定計百僚同心無復是過亟案前日與議定策

雜記典兵

行役

告廟人名依故事應加爵位者促施行之戊戌詔曰

大將軍掌中外諸軍事事統煩多其加衛將軍御史

大夫恩侍中與大將軍分省諸事壬子詔曰諸吏家

有五人三人兼重為役父兄在都子弟給郡縣吏既

出限米軍出又從至於家事無經護者朕甚愍之其

有五人三人為役聽其父兄所欲留為留一人除其

米限軍出不從又曰諸將吏奉迎陪位在永昌亭者

皆加位一級頃之休聞繼逆謀陰與張布圖計十二

月戊辰臘百僚朝賀公卿升殿詔武士縛繼即日伏

誅已巳詔以左將軍張布計奸臣加布為中軍督并

誅亂

張傳
張同

建學

布弟惇為都亭侯給兵三百人惇弟恂為校尉詔曰古者建國教學為先所以道世治性為時養器也自建興以來時事多故吏民頗以目前趨務去本就末不循古道夫所尚不惇則傷化敗俗其案古置學官立五經博士核取應選加其寵祿科見吏之中及將吏子弟有志好者各令就業一歲課試差其品第加以位賞使見之者樂其榮聞之者羨其譽以敦王化以隆風俗

二年春正月震電三月備九卿官詔曰朕以不德託于王公之上夙夜戰戰忘寢與食今欲偃武修文以

農系

漢人貴粟
所未道

崇大化推此之道當由士民之瞻必須農桑管子有言倉廩實知禮節衣食足知榮辱夫一夫不耕有受其饑一婦不織有受其寒饑寒並至而民不為非者未之有也自頃年已來州郡吏民及諸營兵多違此業皆浮船長江賈作上下良由漸廢見穀日少欲求大定豈可得哉亦由租入過重農人利薄使之然乎今欲廣開田業輕其賦稅差科彊羸課其田畝務令優坊官私得所使家給戶贍足相供養則愛身重命不犯科法然後刑罰不用風俗可整以羣僚之忠賢若盡心於時雖太古盛化未可卒致漢文升平庶幾

孫休

可及及之。則臣主俱榮。不及則損削侵辱。何可從容俯仰而已。諸卿尚書。可共咨度。務取便佳。田桑已至。不可後時。事定施行。稱朕意焉。

嚴密

清里塘

三年春三月。西陵言赤鳥見。秋用都尉嚴密議。作浦里塘。會稽郡謠言。王亮當還為天子。而亮官人告亮。使巫禱祠。有惡言。有司以聞。黜為候官侯。遣之。國遣自殺。衛送者伏罪。

亮自殺

吳錄曰。或云休鵠殺之。至晉太康中。吳故少府丹陽戴顓迎亮喪葬之。賴鄉。

以會稽南郡為建安郡。分宜都置建平郡。

吳歷曰。是歲得大鼎於建德縣。

周

石偉

四年夏五月。大雨。水泉涌溢。秋八月。遣光祿大夫周奕。石偉。巡行風俗。察將吏清濁。民所疾苦。為黜陟之

四俗

楚國先賢傳曰。石偉字公操。南郡人。少好學。修節。不怠介。然獨立。有不可奪之志。舉茂才。賢良方正。皆不就。孫休即位。特徵偉。累遷。至光祿勳。及皓即位。朝政昏亂。偉乃辭。老耄痼疾。乞身。就拜光祿大夫。吳平。建威將軍王戎親詣偉。太康二年。詔曰。吳故光祿大夫石偉。秉志清白。皓首不渝。雖處危亂。

高尚
不屈

廉節可紀年已過邁不堪遠涉其以偉為議郎加
二千石秩以終厥世偉乃陽狂及育不受晉爵年
八十三太熙元年卒

九月布山言白龍見是歲安吳民陳焦死埋之六日
更生穿土中出

不皇后

五年春二月白虎門北樓災秋七月始新言黃龍見
八月壬午大雨震電水泉涌溢乙酉立皇后朱氏戊

太子寧

壬立子寧為太子大赦

吳錄載休詔曰人之有名以相紀別長為作字
其各互禮名子欲令難犯易避五十稱伯仲古或

一字今人競作好名好字又令相配所行不副此
瞽字伯明者也孤嘗哂之或師友父兄所作或自
已為師友尚可父兄猶非自為最不謙孤今為四
男作名字太子名寧靈音如湖水灣澳之灣字首
酋音如迄今之迄今字名實實音如兕觥之觥字
甬音如玄磬首之磬次子名相相音如草莽之
莽字显显音如舉物之舉次子名寇寇音如褒衣
下寬大之褒字熒熒音如有所擁持之擁此都不
與世所用者同故鈔舊文會合作之夫書不體損
益因事而生今造此名字既不相配又字但一庶

濮陽興
孟宗

躬棄避其普告天下使咸聞知臣松之以爲傳
稱名以制義義以出禮禮以體政政以治民是以
政成而民則易則生亂斯言之作豈虛也哉然欲
令難犯何患無名而乃造無况之字制不典之音
違明誥於前修垂嗤駭於後代不亦異乎是以墳
土未乾而妻子絕滅師服之言于是乎徵矣
冬十月以衛將軍濮陽興爲丞相廷尉丁密光祿勳
孟宗爲左右御史大夫休以丞相興及左將軍張布
有舊恩委之以事布典官省興關軍國休銳意於典
籍欲畢覽百家之言尤好射雉春夏之間常晨出夜

盛冲

遠唯此時舍書休欲與博士祭酒韋曜博士盛冲講
論道藝曜冲素皆切直布恐入侍發其陰失令已不
得專因妄飾說以拒遏之休荅曰孤之涉學羣書略
徧所見不少也其明君闇主奸臣賊子古今賢愚成
敗之事無不覽也今曜等入但欲與論講書耳不爲
從曜等始更受學也縱復如此亦何所損君特當以
曜等恐道臣下好變之事以此不欲令入耳如此之
事孤已自備之不須曜等然後乃解也此都無所損
君意特有所忌故耳布得詔陳謝重自序述又言懼
妨政事休荅曰書籍之事患人不好好之無傷也此

禮

三國志 卷之三 魏書三 條

無所爲非而君以爲不宜是以孤有所及耳政務學業其流各異不相妨也不圖君今日在事更行此於孤也良所不取布拜表叩頭伏答曰聊相開悟耳何至叩頭乎如君之忠誠遠近所知往者所以相感今日之巍巍也詩云靡不有初鮮克有終終之實難君其終之初休爲王時布爲左右將督素見信愛及至踐阼厚加寵待專擅國勢多行無禮自嫌短懼懼懼言之故尤患忌休雖解此苦心不能究更恐其疑懼竟如布意廢其講業不復使冲等入是歲使察戰到交趾調孔爵大猪

臣松之按察戰吳官號今楊都有察戰巷

六年夏四月泉陵言黃龍見五月交趾郡吏呂興等反殺太守孫諸先是科郡上手工千餘人送建業而察戰至恐復見取故興等因此扇動兵民招誘諸夷也冬十月蜀以魏見伐來告癸未建業石頭小城火燒西南百八十丈甲申使大將軍丁奉督諸軍向魏壽春將軍留平別詣施績於南郡議兵所向將軍丁封孫異如沔中皆救蜀蜀主劉禪降魏問至然後罷呂興既殺孫諸使使如魏請太守及兵丞相興建取屯田萬人以爲兵分武陵爲天門郡

蜀志

孫休

四

吳歷曰是歲青龍見於長沙白燕見於慈胡赤雀見於豫章

七年春正月大赦二月鎮軍陸抗撫軍步協征西將軍留平建平太守盛曼率眾圍蜀巴東守將羅憲夏四月魏將新附督王稚浮海入句章略長吏賞林及男女二百餘口將軍孫穉微得一船獲三十人秋七月海賊破海鹽殺司鹽校尉駱秀使中書郎劉川發兵廬陵豫章民張節等為亂眾萬餘人魏使將軍胡烈步騎二萬侵西陵以救羅憲陸抗等引軍退復分交州置廣州壬午大赦癸未休薨

豫章

江表傳曰休寢疾口不能言乃手書呼丞相濮陽典入令予電出拜之休把典臂而指電以託之時年三十謚曰景皇帝

治城

葛洪抱朴子曰吳景帝時成將於廣陵掘諸冢取版以治城所壞甚多復發一大冢內有重閣戶扇皆樞轉可開閉四周為微道通車其高可以乘馬又鑄銅為人數十枚長五尺皆大冠朱衣執劍列侍靈座皆刻銅人背後石壁言殿中將軍或言侍郎常侍似公主之冢破其棺棺中有人髮已班白衣冠鮮明面體如生人棺中雲母厚尺許以白玉

妄

孫休

璧三十枚，籍戶兵人，輩共舉出，人以為冢，壁有一玉，長一尺許，形似冬瓜，從死人懷中透出，隨地兩耳及鼻孔中，皆有黃金，如棗許大，此則骸骨有假物，而不朽之效也。

孫皓

孫皓，字元宗，權孫和子也。一名彭祖，宗皓宗孫休立，卦時為烏程侯，遣就國。西湖民景養相皓，當大貴，皓陰喜而不敢泄，休薨是時，蜀初亡而交阯攔叛，國內震懼，愈得長君。左典軍萬彧昔為烏程令，與皓相善，稱皓才識明斷，是長沙桓王之疇也。又加之好學，奉遵法度，屢言之於丞相濮陽興、左將軍張布，興布說

論 后追

滕皇后

休妃太后朱，欲以皓為嗣，朱曰：我寡婦人，安知社稷之慮？苟吳國無隕，宗廟有賴，可矣。於是遂迎立皓。時年二十三，改元大赦，是歲於魏咸熙元年也。元興元年八月，以上大將軍施續、大將軍丁奉為左右大司馬，張布為驃騎將軍，加侍中，諸掾位班賞，一皆如舊。九月，貶太后為景皇后，追謚父和曰文皇帝，尊母何為太后。十月，封休太子靈為豫章王，次子汝南王次子梁王，次子陳王，立皇后滕氏。江表傳曰：皓初立，發優詔恤士民，開倉廩振貧乏，精出宮女，以配無妻禽獸，擾於苑者，皆放之。當時

翕然稱為明主

誅與布

皓既得志，麤暴驕盈，多忌諱，好酒色，大小失望。與布竊悔之，或以譖皓。十一月，誅與布。十二月，孫休葬，定陵封，后父滕牧為高密侯。

外戚

吳歷曰：牧本名密，避丁密，改名牧。丁密避牧，改名為固。

舅何洪等三人皆列侯，是歲魏置交阯太守之郡。晉文帝為魏相國，遣荀吳壽春城，降將徐紹孫。或徵命齋書陳事，勢利害以申喻皓。

漢晉春秋載：晉文王與皓書曰：聖人稱有君臣

後有上下禮義是故天必字小小必事大然後上下安服羣生獲所逮至末塗純德既毀勳民之命以爭疆於天下違禮順之至理則仁者弗由也方今主上聖明覆幬無外僕備位宰輔屬當國重唯華夏乖殊方隅地裂六十餘載金革亟動無年不戰暴骸喪元困悴罔定每用悼心坐以待旦將欲止戈興仁為百姓請命故分命偏師平定蜀漢役未經年全軍獨克于時猛將謀夫朝臣庶士咸以奉天時之宜就既征之軍藉吞敵之勢宜遂回旗東指以臨吳境舟師泛江順流而下陸軍南轅

取徑四郡兼成都之械漕巴漢之粟然後以中軍
整旅二方雲會未及決辰可使江表底平南夏順
軌然國朝深惟伐蜀之舉雖有靜難之功亦悼蜀
民獨懼其害戰於懸竹者自元帥以下並受斬戮
伏尸蔽地血流丹野一之於前猶追恨不忍况重
之於後乎是故旋師按甲思與南邦共全百姓之
命夫料力恃勢度資量險遠者古昔廢興之理近
鑒西蜀安危之効隆德保祚去危即順屈已以寧
四海者仁哲之高致也履危偷安隕德覆祚而不
稱於後世者非智者之所居也今朝廷遣徐紹孫

或獻書喻懷若書御於前必少留意回慮章筭結
歡弭兵共爲一家惠於吳會施及中土豈不泰哉
此昭心之大願也敢不承受若不獲命則普天率
土期於大同雖垂干戈固不獲已也
甘露元年三月皓遣使隨紹或報書曰知以高世之
才處宰輔之任漸導之功勤亦至矣孤以不德階承
統緒思與賢良共濟世道而以壅隔未有所緣嘉意
允著深用依依今遣光祿大夫紀陞五官中郎將弘
璆宣明至懷

江表傳曰皓書兩頭言白稱名言而不著姓吳

紀陞

三國志

吳書三孫皓

六

錄曰陟字子士丹揚人初為中書郎孫峻使詰南陽王和令其引分陟密使令正辭自理峻怒陟懼閉門不出孫休時父亮為尚書令而陟為中書令每朝會詔以屏風隔其座出為豫章太守于寶晉紀曰陟瑒奉使如魏入境而問諱入國而問俗壽春將王布示之馬射既而問之曰吳之君子亦能斯乎陟曰此軍人騎士肄業所及士大夫君子未有為之者矣布大慙既至魏帝見之使僕問曰來時吳王何如陟對曰來時皇帝臨軒百寮陪位御膳無恙晉文王饗之百寮畢會使僕者告曰某

者安樂公也某者匈奴單于也陟曰西王失土為君王所禮位同三代莫不感義匈奴邊塞難羈之國君王懷之親在坐席此誠威恩遠著又問吳之戎備幾何對曰自西陵以至江都五千七百里又問曰道里甚遠難為堅固對曰疆界雖遠而其險要必爭之地不過數四猶人雖有八尺之軀靡不受患其護風寒亦數處耳文王善之厚為之禮臣松之以為人有八尺之軀靡不受患防護風寒豈唯數處取譬若此未足稱能若曰譬如金城萬雉所急防者四門而已矣陟此對不猶愈乎吳

錄曰皓以諸父與和相連及者家屬皆徙東冶唯
陟以有宓旨特封子孚都亭侯子弟瞻宗思遠入
仕晉驃騎將軍弘璆曲阿人弘咨之孫權外甥也
璆後至中書令太子少傅

紹行到濡須召還殺之徙其家屬建安始有白紹稱
美中國者故也夏四月蔣陵言其露降於是改年大
赦秋七月皓逼殺景后朱氏亡不在正殿於苑中小
屋治喪衆知其非疾病莫不痛切又送休四子於吳
小城尋復追殺大者二人九月從西陵督步闡表徙
都武昌御史大夫丁固右將軍諸葛靚鎮建業陟

逼殺朱后

祭休四子

都武昌

至洛遇晉文帝崩十二月乃遣還皓至武昌又大赦
以零陵南部爲始安郡桂陽南部爲始興郡十二月
晉受禪

晉受禪

寶鼎元年正月遣大鴻臚張儼五官中郎將丁忠弔
祭晉文帝及還儼道病歿

弔晉

二吳錄曰儼字子節吳人也弱冠知名歷顯位以博
學聞多識拜大鴻臚使於晉皓謂儼曰今南北通好
以君爲有出境之才故相屈行對曰皇皇者華蒙
其榮耀無古人之延譽之美磨鏹鋒鐔思不辱命既
至車騎將軍賈充尚書令裴秀侍中荀勗等欲傲

三國志

吳書

何

以所不知而不能屈尚書僕射羊佑尚書何植並
綺縞帶之姪入

陸凱

忠說皓曰北方守戰之具不設戈陽可襲而取皓訪
羣臣鎮西大將軍陸凱曰夫兵不得已而用之耳且
三國鼎立已來更相侵伐無歲寧居今疆敵新并巴
蜀有兼土之實而遣使求親欲息兵役不可謂其求
後於我今敵形勢左彊而欲微幸求勝未見其利也
車騎將軍劉纂曰天生五才誰能去兵誦詐相雄有
自來矣若其存闕庸可棄乎宜遣間諜以觀其勢皓
陰納纂言且以蜀新平故不行然遂自絕八月所在

丁忠劉纂之言亦可

戰施但友

言得大鼎於是改年大赦以陸凱為左丞相常侍萬
或為右丞相冬十月永安山賊施但等聚眾數千人
吳錄曰永安今武康縣也

謙自殺

劫皓庶弟永安侯謙出烏程取孫和陵上鼓吹曲蓋
比至建業眾萬餘人丁固諸葛靚逆之於牛屯大戰
但等敗走獲謙自殺
漢晉春秋曰初望氣者云荆州有王氣破揚州而
建業宮不利故皓徙武昌遣使者發民掘荆州界
大臣名家冢與山岡連者以厭之既聞但反自以
為徙土得計也使數百人鼓譟入建業殺但妻子

三國志

吳書三孫皓

三

云天子使荊州兵來破揚州賊以厭前氣
 分會稽為東陽郡分吳丹楊為吳興郡
 皓詔曰古者分土建國所以褒賞賢能廣樹藩屏
 秦毀五等為三十六郡漢室初興闔立乃至百王
 因事制宜蓋無常數也今吳郡楊羨永安餘杭臨
 水及丹楊故鄣安吉原鄉於潛諸縣地勢水流之
 便悉注烏程既宜立郡以鎮山越且以藩衛明陵
 奉承大祭不亦可乎其亟分此九縣為吳興郡治
 烏程

都建業

以零陵北部為邵陵郡十二月皓還都建業衛將軍

滕牧留鎮武

二年春大赦右丞相萬彧上鎮巴丘夏六月起顯明
 宮

土木

陸凱諫

太康三年地記曰吳有大初宮方三百丈權所起
 也昭明宮方五百丈皓所作也避晉諱故曰顯明
 宮吳歷云顯明在太初之東江表傳曰皓營新
 宮二千石以下皆自入山督攝伐木又破壞諸營
 大開園囿起土山樓觀窮極伎巧功役之費以億
 萬計陸凱固諫不從
 冬十二月皓移居之是歲分豫章廬陵長沙為安成

三國志

吳書

三

郡

三年春二月以左右御史大夫丁固孟仁為司徒司

吳書曰初因為尚書夢松樹生其腹上謂人曰松

九

秋九月皓出東關丁奉至合肥是歲遣交州刺史劉

俊前部督修則等入擊交阯為晉將毛昺等所破皆

死兵散還合浦

建衡元年春正月立子瑾為太子及淮陽東平王冬

淮陽東平王
不知義如何
疑重字衍字

十月改年大赦十一月左丞相陸凱卒遣監軍虞汜

陶璜

威南將軍薛珣蒼梧太守陶璜由荊州監軍李勗督

軍徐存從建安海道皆就合浦擊交阯

二年春萬彧還建業李勗以建安道不通殺導將

馮斐引軍還三月天火烧萬餘家死者七百人夏四

月左大司馬施續卒殿中列將何定曰少府李勗在

殺馮斐擅徵軍退還勗及徐存家屬皆伏誅秋九月

何定將兵五千人上夏口獵都督孫秀奔晉是歲大

赦

三年春正月晦皓大衆出華里皓母及妃妾皆行

華嚴

東觀令華嚴等固爭乃還

江表傳曰初丹楊刁玄使蜀得司馬徽與劉廙論
 運命歷數事玄詐搆其文以誑國人曰黃旗紫蓋
 見於東南終有天下者荆揚之君乎又得國中降
 人言壽春下有童謠曰吳天子當上皓聞之喜曰
 此天命也即載其母妻子及後宮數千人從牛渚
 陸道西上云青蓋入洛陽以順天命行遇大雪道
 塗陷壞兵士被甲持仗百人共引一車寒凍殆死
 兵人不堪皆曰若遇敵便當倒戈耳皓聞之乃還
 是歲汜瑁破交阯禽殺晉所置守將九真日南皆還
 屬

破交阯

漢晉春秋曰初霍弋遣楊稷毛晃等戍與之誓曰
 若賊圍城未百日而降者家屬誅若過百日而城沒
 沒者刺史受其罪稷等日未滿而糧盡乞降於瑁
 瑁不許而給糧使守吳人並諫瑁曰霍弋已歿無
 能來者可須其糧盡然後乃受使彼來無罪而我
 取有義內訓吾民外懷鄰國不亦可乎稷晃糧盡
 救不至乃納之 華陽國志曰稷捷為人晃捷寧
 人稷等城中食盡死亡者半將軍王約反降吳人
 得入城獲稷晃皆囚之孫皓使送稷下都稷至合
 浦歐血歿晉追贈交州刺史初毛晃與吳軍戰殺

前部督修則陶璜等以是壯髮欲救之而則子允固求殺是是亦不為璜等屈璜等怒面縛是詰之曰晉兵賊是屬聲曰吳狗何等為賊吳人生剖其腹允剖其心肝罵曰庸復作賊是猶罵不止曰尚欲斬汝孫皓汝父何死狗也乃斬之晉武帝聞而哀矜即詔使是長子襲爵餘三子皆關內侯此與漢晉春秋所說不同

大赦分交阯為新昌郡諸將破扶嚴置武平郡以武昌督范慎為太尉右大司馬丁奉司空孟仁卒

吳錄曰仁字恭武江夏人也本名宗避皓字易焉

孟仁仁母

李肅

少從南陽李肅學其母為作厚褥大被或問其故母曰小兒無德致客學者多貧故為廣被庶可得與氣類接也其讀書夙夜不懈肅奇之曰卿宰相器也初為驃騎將軍朱據軍吏將母在營既不得志又夜雨屋漏因起涕泣以謝其母母曰但當勉之何足泣也據亦稍知之除為監池司馬自能結網手以捕魚作鮓寄母母因以還之曰汝為魚官而以鮓寄我非避嫌也遷吳令時皆不得將家之官每得時物來以寄母常不先食及聞母亡犯禁委官語在權傳特為減死一筭復使為官益優之

或聞一快
事伊吳愈
驕矣速之
七矣

也。楚國先賢傳曰：宗毋嗜筍，冬節將至，時筍尚
未生，宗入竹林哀嘆，而筍為之出，得以供母，皆以
為至孝之所致感。累遷光祿勳，遂至公矣。

西苑言鳳凰集，改明年元。

鳳皇元年秋八月，徵西陵督步闡，闡不應，據城降。晉
遣樂鄉都督陸抗圍取闡，闡眾悉降。闡及同討數十
人皆夷三族。大赦。是歲右丞相萬彧被譴憂死，徙其
子第於廬陵。

江表傳曰：初，皓游華里，彧與丁奉留平密謀曰：此
行不志，若至華里不歸，社稷事重，不得不自還。此

或或平

語頗泄，皓聞知，以彧等舊臣，且以計恐而陰徼之。
後因會以毒酒飲彧，傳酒人私減之，又飲留平。平
覺之，服他藥以解，得不死。彧自殺。平憂慙月餘亦
死。

何定好穢，發聞伏誅。皓以其惡似張布，追改定名為
布。

江表傳曰：定，汝南人，本孫權給使也。後出補吏，定
佞邪，僭媚自表。先帝舊人求還內侍，皓以為樓下
都尉，典知酤糴事，專為威福。而皓信任委以眾事，
定為子求少府李勗女，不許。定拔劍譖勗於皓，皓

失刑

尺口誅之焚其兵定又使諸將各上好犬皆千里
遠求一犬至直數千匹御犬率具纓直錢一萬一
犬一兵養以捕兔供厨所獲無幾吳人皆歸罪於
定而皓以為忠勤賜爵列侯吳歷曰中書郎奚
熙諧宛陵令賀惠惠劾免也遣使者徐粲詠治熙
又諧粲顧護不即決斷皓遣使就宛陵斬粲收惠
付獄會赦得免

龍妾侵市

二年春三月以陸抗為大司馬司徒丁固卒秋九月
改封淮陽為魯東平為齊又封陳留章陵等九王凡
十一王王給三千兵大赦皓愛妾或使人至市劫奪

失刑

百姓財物司市中郎將陳聲素皓幸臣也恃皓寵遇
繩之以法妾以愬皓皓大怒假他事燒鋸斷聲頭投
其身於四塗之下是歲太尉范曄卒三年會稽妖言
章安侯奮當為天子臨海太守奚熙與會稽太守郭
誕書非論國政誕但白熙書不自妖言送併建安作
船

都督

會稽邵氏家傳曰邵疇字溫伯時為誕功曹誕被
收惶遽無以自明疇進曰疇今自在疇之事明府
何憂遂請吏自列云不自妖言事出于已非府君
罪吏上疇辭皓怒猶盛疇慮誕卒不免遂自殺以

奇士

證之臨亡置辭曰疇生長邊陲不聞教道得以閑
資躬身本郡踰越儕類位極朝右不能贊揚盛化
養之以福今妖訛橫興于國亂紀疇以導嗜之語
本非事實雖家誦人詠不足有慮天下重器而匹
夫橫議疾其醜聲不忍聞見欲食垢藏疾不韋之
翰筆鎮躁歸靜使之自息愚心勤勤每執斯旨故
誕屈其所見默以見從此之爲怒實由於疇謹不
敢逃死歸罪有司唯乞天鑒特垂清察吏收疇喪
得辭以聞皓乃免誕大刑送侍建安作船疇亡特
年四十皓嘉疇節義詔郡縣圖形廟堂

表

車溪
張詠

遣三郡督何植收熙熙發兵自衛斷絕海道熙部的
殺熙送首建業夷三族秋七月遣使者二十五人分
至州郡科出亡叛大司馬陸抗卒自改年及是歲連
太疫分鬱林爲桂林郡
天冊元年吳郡言掘地得銀長一尺廣三分刻上有
年月字於是大赦改年
天璽元年吳郡言臨平湖自漢末草穢壅塞今更開
通長老相傳此湖塞天下亂此湖開天下平又於湖
邊得石函中有小石青白色長四寸廣二寸餘刻上
作皇帝字於是改年大赦會稽太守車浚湘東太守

三國志

吳書二孫皓

天

失刑

張詠不出箕箒就在所斬之狗首諸郡

江表傳曰浚在公清忠值郡荒旱民無資糧表求振貸皓謂浚欲樹私恩遣人梟首又尚書熊睦見皓酷虐微有所諫皓使人以刀環撞殺之身無完肌

熊睦

秋八月京下督孫楷降彛鄱陽言歷陽山石文理成字凡二十二云楚九州渚吳九州都揚州士作天子四世治太平始

江表傳曰歷陽縣有石山臨水高百丈其三十丈所有七穿駢羅穿中色黃赤不與本體相似俗相

如石

詐書

傳謂之石印又云石印封發天下當太平下有祠屋巫祝言石印神有三郎時歷陽長表上言石印發皓遣使以太牢祭歷山巫言石印三郎說天下左太宰使者作高梯上看印文詐以朱書石作二十字還以啓皓皓大喜曰吳當為九州作都渚乎從大皇帝及孤四世矣太平之主非孤復誰重遣使以印殺拜三郎為王又刻石立銘褒贊靈德以答休祥

又吳興陽羨山有空石長十餘丈各曰石室在所表為入瑞乃遣兼司徒董朝兼太常周處至陽羨縣封

計禪

禪國山明年改元夫赦以擬石文

孫慎

天紀元年夏夏口督孫慎出江夏汝南燒略居民初

張傲誅

騶子張傲多所譖曰累遷為司直中郎將封侯甚見

寵愛是歲奸情發聞伏誅

江表傳曰傲父會稽山陰縣卒也知傲不良上表云若册傲為司直有罪乞不從坐皓詐之傲表正彈曲二十人專糾司不法於是愛惡相攻互相誹告彈曲承言收累囹圄聽訟失理獄以贖成人民窮困無所措手足傲奢淫無厭取小妻三十餘人擅殺無辜眾奸並發父子俱見車裂

二年秋七月立成紀宣威等十一王王給三千兵大赦

郭馬反

三年夏郭馬反馬本合浦太守修允部曲督允轉桂林太守疾病住廣州先遣馬將五百兵至郡安撫諸夷允死兵當分給馬等累世舊軍不樂離別皓時又耕實廣州戶口馬與部曲將何典王族吳述殷興等因此恐動兵民合聚人眾攻殺廣州督虞授馬自號都督交廣二州諸軍事安南將軍興廣州刺史述南海太守典攻蒼梧族攻始興

漢晉春秋曰先是吳有說讖者曰吳之敗兵起南

三國志 卷之三
三
齋士吳者公孫也。皓聞之，文武職位，至于卒伍，有姓公孫者，皆徙於廣州，不令停江邊。及聞馬反，大懼曰：此天亡也。

張悌

八月，以軍師張悌為丞相，牛渚都督何植為司徒，執金吾滕循為司空，未拜，轉鎮南將軍，假節領廣州牧，率萬人從東道討馬興。族遇于始興，未得前，馬殺南海太守劉略，逐廣州刺史徐旗。皓又遣徐陵督陶濬將七千人從西道，命交州牧陶璜部伍所領及合浦鬱林諸郡兵當與東西軍共擊馬。有鬼目菜，生工人黃耆家，依緣棗樹，長丈餘，莖廣四寸，厚三分，又有買

陶璜

陶璜

晉兵八

菜，生工人吳平家，高四尺，厚三分，如枇杷形，上廣八寸，下莖廣五寸，兩邊生菜，綠色，東觀黎圖名鬼目，作芝草，買菜作平慮，菜遂以耆為侍芝郎，平為平慮郎，皆銀印青綬。冬，晉命鎮東大將軍司馬佃向涂中安東將軍王渾、揚州刺史周浚、向牛渚建威將軍王戎、向武昌平南將軍胡奮、向夏口鎮南將軍杜預、向江陵龍驤將軍王濬、廣武將軍唐彬、涿江東下太尉賈充為大都督，量宜處要，盡軍勢之中。陶濬至武昌，聞非軍大出，停驂不前。初，皓每宴會羣臣，無不咸令沉醉，置黃門郎十人，特不與酒，侍立終日為司過之

荒酷

三國志

吳書三 孫皓

三

吏寔罷之後各奏其闕失逆視之咎謬言之愆罔有
不舉大者即加威刑小者輒以爲罪後宮數千而採
擇無已又激水入宮官人有不合意者輒殺流之或
剝人之面或鑿人之眼岑昏險諛貴幸致位九列好
興功役衆所患苦是以上下離心莫爲昭盡力蓋積
惡已極不復堪命故也

吳平後晉侍中庾峻等問皓侍中李仁曰聞吳主
披人面則人足有諸乎仁曰以告者過此君子惡
人下流天下之惡皆歸焉蓋此事也若信有之亦
不足怪昔唐虞五刑三代七辟肉刑之制未爲酷

虐皓爲一國之主兼殺生之極罪人陷法加之以
懲何足多罪夫受堯誅者不能無怨受桀賞者不
能無慕此人情也又問曰云歸命侯乃惡人橫睛
逆視皆鑿其眼有諸乎仁曰亦無此事傳之者謬
耳曲禮曰視天子由裕以下視諸侯由順以下視
大夫由衡視士則平面得游目五步之內視上於
衡則傲下於帶則憂旁則邪以禮視瞻高下不可
不慎况人君乎哉視人君相近是乃禮所謂傲慢
傲慢則無禮無禮則不臣不臣則犯罪犯罪則陷
不則矣正使有之將有何失凡仁所答峻等皆善

之文多不悉載

四年春立中山代等十一王大赦濬彬所至則土崩
瓦解靡所禦者預又斬江陵督位延澤復斬丞相張
悌丹楊太守沈瑩等所在戰克

于寶晉紀曰吳丞相軍師張悌護軍孫震丹楊太
守沈瑩帥眾三萬濟江圍成陽都尉張喬於楊荷
橋眾有七千閉柵自守舉白接告降吳副軍師諸
葛靚欲屠之悌曰疆敵在前不宜先事其小且殺
降不祥靚曰此等以救兵未至而力少故且偽降
以緩我非來伏也因其無戰心而盡阬之可以成

孫震

堂

延澤

三軍之氣若舍之而前必為後患悌不從撫之而
進與討吳護軍張翰揚州刺史周浚成陣相對沈
瑩領丹楊銃卒刀楯五千號曰青巾兵前後屢陷
堅陣於是以馳淮南軍三衝不動退引龍薛勝蔣
班因其亂而乘之吳軍以次土崩將帥不能止張
喬又出其後大敗吳軍于版橋獲悌震瑩等襄
陽記曰悌字巨先襄陽人少有名理孫休時為屯
騎校尉魏伐蜀吳人問悌曰司馬氏得政以來大
難屢作智力雖豐而百姓未服也今又竭其資力
遠征巴蜀兵勞民疲而不知恤敗於不暇何以能

三國志

吳書三系略

三

濟昔夫差伐齊非不克勝所以危亡不憂其本也
況彼之事地乎悛曰不然曹攄雖功蓋中夏威震
四海崇詐杖術征伐無已民畏其威而不懷其德
也不敵承之係以慘虐內興宮室外懼雄豪東西
馳驅無歲獲安彼之失民爲臣久矣司馬懿父子
自握其柄累有大功除其煩苛而布其平惠爲之
謀主而救其疾民心歸之亦已久矣故淮南三叛
而腹心不擾曹髦之死四方不動摧堅敵如折枯
蕩異同如反掌任賢使能各盡其心非智勇兼入
孰能如之其威武張矣本棊固矣羣情服矣奸計

立矣今蜀閹宦專朝國無政令而玩戎黷武民勞
卒弊競于外利不修守備彼疆弱不同智筭亦勝
因危而伐殆其克乎若其不克不過無功終無退
北之憂覆軍之慮也何爲不可哉昔楚劔利而秦
昭懼孟明用而晉人憂彼之得志故我之大患也
吳人笑其言而蜀果降于魏晉來伐吳皓使悛督
沉瑩諸葛靚率衆三萬渡江逆之至牛渚沈瑩曰
晉治水軍於蜀久矣今礪國大舉萬里齊力必悉
益州之衆浮江而下我上流諸軍無有戒備各將
皆死幼少當在恐邊江諸城盡莫能禦也晉之水

軍必至於此矣。宜畜衆力待來一戰。若勝之日。江西自清。上方雖壞。可還取之。今渡江逆戰。勝不可保。若或摧喪。則大事去矣。悌曰。吳之將亡。賢愚所共。非今日也。吾恐蜀兵來至此。衆心必駭懼。不可復整。今宜渡江。可用決戰力爭。若其敗喪。則同死社稷。無所復恨。若其克勝。則北敵奔走。兵勢萬倍。便當乘威南上。逆之中道。不憂不破也。若如子計。恐行散盡。相與坐待敵到。君臣俱降。無復一人。死難者。不亦辱乎。遂渡江。戰。吳軍大敗。諸葛靚與五百人退走。使過迎悌。悌不肯去。靚自往牽之。出

曰。且夫天下存亡。有大數。豈卿一人所知。如何。故自取死。爲悌垂涕。曰。仲思。今日是我死日也。且我作兒童時。便爲卿家丞相所拔。常恐不得其死。負名賢知顧。今以身殉社稷。復何遁邪。莫宰弔之。如是。靚流涕。放之。去百餘步。已見爲晉軍所殺。吳錄曰。悌少知名。及處大任。希合時趣。將護左右。清論譏之。搜神記曰。臨海松陽人柳榮。從悌至楊。府榮病。歿船中。二日。時軍已上岸。無有理之者。忽然大呼。言人縛軍師。人縛軍師。聲激揚。遂活。人問之。榮曰。上天北斗門下。卒見人縛張悌。意中大愕。

不覺大呼言何以待張軍師門下人怒榮叱逐使
去榮便去怖懼口餘聲發揚耳其日悌戰死榮至
晉元帝時猶在

三月丙寅殿中親近數百人叩頭請皓殺昏皓惶
憤從之

于寶晉紀曰皓殿中親近數百人叩頭謂皓曰北
軍日近而兵不舉亦陛下將如之何皓曰何故對
曰坐昏皓獨言若爾當以奴謝百姓眾因曰唯
遂並起收昏皓駱驛追止已屠之也

戊辰陶濬從武昌還即引見問水軍消息對曰蜀船

皆小今得二萬兵乘大船戰自足擊之於是合眾投
濬節鉞明日當發其夜眾悉逃走而王濬順流將至
司馬佃王渾皆臨近境皓用光祿勳薛瑩中書令胡
冲等計分遣使奉書於濬佃渾曰昔漢室失統九州
分裂先人因時略有江南遂分阻山川與魏乖隔今
木晉龍興德被四海闇劣偷安未喻天命至于今者
畏煩六軍衝蓋路次遠臨江渚舉國震惶假息漏刻
敢緣天朝含弘光大謹遣私署太常張夔等奉所佩
印綬委質請命惟垂信納以濟元元

江表傳載皓將敗與舅何植書曰昔大皇帝以神

吳諸臣不
言而及其
亡也言之
夫

武之略奮三千之卒割據江南席卷交廣開拓洪
基欲祚之萬世至孤末德嗣守成績不能懷集黎
元多為咎闕以違天慢闇昧之變反謂之祥致使
南蠻逆亂征討未克聞晉大眾遠來臨江庶竭
率眾皆推退而張悌不反喪軍過半孤甚愧悵于
今無聊得陶濬表云武昌以西並復不守不守者
非糧不足非城不固兵將背戰耳兵之背戰豈怨
兵邪孤之罪也天文縣變於上士民憤嘆於下觀
此事勢危如累卵吳祚終訖何其局哉天匪亡吳
孤所招也瞋目黃髮當復何顏見四帝乎公其曷

勉奇謨飛筆以聞皓又遺羣臣書曰孤以不德忝
繼先軌處位歷年政教凶勃遂令百姓久困塗炭
至使一朝歸命有道社稷傾覆宗廟無主慙愧山
積沒有餘罪自惟空薄過偷尊號才瓊質穢任重
王公故周易有折鼎之誠詩人有彼其之譏自居
宮室仍抱篤疾計有不足思慮失中多所荒替邊
側小人因生酷虐虐毒橫流忠順被害闇昧不覺
尋其壅蔽孤負諸君事已難圖覆水不可收也今
大晉平治四海勞心務於擢賢誠是英俊展節之
秋也管仲極讐桓公用之良平去楚入為漢臣舍

三國志 吳書 三孫 三

亂就理非不忠也莫以後朝改朔用損厥志嘉勳
休尚愛敬動靜夫復何言投筆而已
王申王濬最先到於是受皓之降解縛焚襪延請相
見

晉陽秋日濬收其圖籍領州四郡四十二縣三百
一十三戶五十二萬三千吏三萬二千兵二十三
萬男女口二百三十萬米穀二百八十萬斛舟船
五千餘艘後宮五千餘人
皓以皓致印綬於已遣使送皓皓舉家西遷以太康
元年五月丁亥集于京邑四月甲申詔曰孫皓窮迫

歸命侯

歸降前詔待之以不死今皓垂至意猶愍之其賜號
為歸命侯進給衣服車乘田三十頃歲給穀五千斛
錢五十萬絹五百匹絲五百斤皓太子瑾拜中郎諸
子為王者拜郎中

搜神記曰吳以草創之國信不堅固邊屯守將皆
質其妻子各曰保質童子少年以類相與嬉遊者
比有十數永安二年三月有一異兒長四尺餘年
可六七歲衣青衣來從羣兒戲諸兒莫之識也皆
問曰爾誰家小兒今日忽來答曰見爾羣戲樂故
來耳詳而視之眼有光芒燭燭外射諸兒畏之重

三國志

吳書三傳皓

三八

問其故兒乃荅曰爾惡我乎我非人也乃熒惑星也將有以告爾三公鉏司馬如諸兒大驚或走告大人大人馳往觀之兒曰舍爾去乎竦身而躍即以化矣仰面視之若引一匹練以登天大人來者猶及見焉飄飄漸高有頃而及時吳政峻急莫敢宣也後五年而蜀亡六年而晉興至是而吳滅司馬如矣于寶晉紀曰王濬治船於蜀吾彥取其流梯以呈孫皓曰晉必有攻吳之計宜增建平兵建平不下終不敢渡江皓弗從陸抗之克步闡皓意張大乃使尚廣筮并天下遇同人之願對曰

吉彥

庚子歲青蓋當入洛陽故皓不修其政而恒有窺上國之志是歲也實在庚子

五年皓死于洛陽

吳錄曰皓以四年十二月死時年四十二葬河南

將畧

評曰孫亮童孺而無賢輔其替位不務必然之勢也休以舊愛宿恩任用與布不能拔進良才改絃易張雖志好善學何益救亂乎又使既廢之亮不得其死及于之義薄矣皓之淫刑所濫隕斃流黜者蓋不可勝數是以羣下人人惴恐皆日日以冀朝不謀夕其

三國志

吳書

孫皓

災惑巫祝交致祥瑞以為至急昔舜禹躬稼至聖之
 德猶或矢誓眾臣予違女弼或拜昌言常若不及况
 皓凶頑肆行殘暴忠諫者誅讒諛者進虐用其民窮
 淫極後宜腰首分離以謝百姓既蒙不死之詔復加
 歸命之寵豈非曠蕩之恩過厚之澤也哉
 孫盛曰夫古之立君所以司牧羣黎故必仰協乾
 坤覆燾萬物若乃淫虐是縱酷被羣生則天人殛
 之勦絕其祚奪其南面之尊加其獨夫之戮是故
 湯武抗鉞不犯不順之譏漢高奮劍而無失節之
 議付者誠四侮之酷讐而人神之所損故也况此

其為通寇虐過幸矣梟首素旗猶不足以謝冤魂
 灣室荐社未足以紀暴迹而乃優以顯命寵錫仍
 加豈恭行天罰伐罪弼民之義乎是以知僭逆之
 不懲而以酷之莫戒諺云取彼諸人投畀豺虎聊
 諧猶然矧諸虐乎且神旂電掃兵臨僞窟理窮勢
 迫然後請命不赦之罪既彰三驅之義又塞極之
 權道亦無取焉 陸機著辨亡論言吳之所以亡
 其上篇曰昔漢氏失御奸臣竊命禍基京畿毒徧
 宇內皇綱弛紊王室遂果於是羣雄蜂駭義兵四
 合吳武烈皇帝慷慨下國電發荆南權略紛紜忠

勇伯世威稜則夷羿震蕩兵交則醜虜授馘遂掃
清宗枋蒸禮皇祖於蔣雲興之將帶州颺起之師
跨邑哮鬪之羣風驅熊羆之族霧集雖兵以義合
同盟戮力然皆包藏禍心阻兵怙亂或師無謀律
喪威稔寇忠規武節未有若此其著者也武烈既
沒長沙桓王逸才命世弱冠秀發招孽遺老與之
述業神兵東驅奮寡犯衆攻無堅城之將戰無交
鋒之虜誅叛柔服而江外底定飾法修師而威德
翕赫賓禮名賢而張昭爲之雄交御豪俊而周瑜
爲之傑彼二君子皆弘敏而多奇雅達而聰哲故

同方者以類附等弊者以氣集而江東蓋多士矣
將北伐諸華誅鉏于紀旋皇輿於夷庚反帝座于
紫闥挾天子以念諸侯清天步而歸舊物戎車旣
次羣凶側目大業未就中世而隕用集我大皇帝
以奇蹤襲於逸軌敵心發乎令圖從政盜於故實
播憲稽乎遺風而加以以篤固申之以節儉疇咨
俊茂好謀善斷束帛旅於丘園旌命交於塗巷故
豪彥尋聲而響臻志士希光而影驚異人輻輳猛
士如林於是張昭爲師傅周瑜陸公魯肅呂蒙之
疇入爲腹心出作股肱甘寧凌統程普賀齊朱桓

朱然之徒奮其威韓當潘璋黃蓋蔣欽周泰之屬
宣其九風雅則諸葛瑾張承步騭以聲名光國政
事則顧雍潘濬呂範呂岱以器任幹職奇偉則虞
翻陸績張溫張惇以諷議舉正奉使則趙咨沈珩
以敏達延譽術數則吳範趙達以機祥協德董襲
陳武殺身以衛主駱統劉基彊諫以補過謀無遺
筭舉不失策故遂割據山川跨制荆吳而與天下
爭衡矣魏氏嘗籍戰勝之威率百萬之師淫鄧寨
之舟下漢陰之衆羽楫萬計龍躍順流統騎千旅
虎步原隰謀臣盈室武將連衡喟然有吞江豈

志一宇宙之氣而周瑜驅我偏師黜之赤壁喪旗
亂轍僅而獲免收迹遠遁漢王亦馮帝王之號率
巴漢之民乘危騁變結壘千里志報關羽之敗圖
收湘西之地而我陸公亦挫之西陵覆師敗績困
而後濟絕命永安續以濡須之寇臨川摧銳蓬籠
之戰子輪不反由是二邦之將喪氣摧鋒勢斲財
匱而吳竟然坐乘其弊故魏人請好漢氏乞盟遂
躡天號鼎峙而立西屠庸蜀之郊北裂淮漢之浹
東苞百越之地南括羣蠻之表於是講八代之禮
蒐三王之樂告類上帝拱揖羣后虎臣毅卒循江

而守長戟勁鏃望風而奮庶尹盡規于上四民展業于下化協殊裔風俗遐圻乃俾一介行人撫巡外域巨象逸駿擾于外閑明珠瑋寶輝於內庭珍瑰重跡而至奇玩應響而赴麟軒騁于南荒衝朝息于朔野齊民免于戈之患戎馬無晨服之虞而帝業固矣大皇既歿幼主蒞朝奸回肆虐景皇聿興虔修遺憲政無大闕守文之良主也降及歸命之初典刑未滅故老猶存大司馬陸公以文武熙朝左丞相陸凱以謇諤盡規而施績范慎以威重顯丁奉鍾離斐以武毅稱孟宗丁固之徒爲公卿

婁玄賀劭之屬掌機事元首雖病股肱猶良爰及末葉羣公既喪然後黔首有瓦解之志皇家有土崩之釁歷命應化而微王師躡運而發卒散於陣民奔于邑城池無藩籬之固山川無溝阜之勢非有工輸雲梯之械智伯灌激之害楚子築室之圍燕人濟西之隊軍未浹辰而社稷夷矣雖忠臣孤憤烈士死節將奚救哉夫曹劉之將非一世之選向時之師無曩日之衆戰守之道抑有前符險阻之利俄然未改而成敗貿理古今詭趣何哉彼此之化殊授任之才異也其下篇曰昔三方之王也

魏人據中夏漢氏存岷益吳制荆揚而有交廣曹
氏雖功濟諸華虐亦深矣其民怨矣劉公因險節
智功已薄矣其俗陋矣吳桓王基之以武太祖成
之以德聰明睿達懿度深遠矣其求言如不及恤
民如稚子接士盡盛德之容親仁聲丹府之愛
呂蒙於戎行識潘濬于係虜推誠信士不恤人之
我欺量能授器不患權之我逼執鞭勒躬以重陸
公之威悉委武衛以濟周瑜之師卑宮菲食以豐
功臣之賞披懷虛已以納謨士之策故魯肅一而
而自託士燮蒙險而效命高張公之德而奮游田


之族賢諸葛之言而割情欲之歡感陸公之規而
除刑政之煩奇劉基之議而作三爵之誓屏氣踟
躕以伺子明之疾分滋損其以真凌統之孤登壇
慷慨歸魯肅之功削投惡言信子瑜之節是以忠
臣競盡其謀志士咸得肆力洪規遠略固不厭夫
區區者也故百官苟合庶務未違初都建業羣臣
請備禮秩天子辭而不許曰天下其謂朕何宮室
輿服蓋慊如也爰及中葉天人之分既定百度之
缺粗修雖醲化懿綱未齒乎上代抑其體國經民
之具亦足以爲政矣地方幾萬里帶甲將百萬其

野沃其民練其財豐其器利東負滄海西阻險塞
長江制其區宇峻山帶其封域國家之利未見有
弘於茲者矣。借使中才守之以道善人御之有術。
敦率遺憲勤民謹政循定策守常險則可以長世
永安。未有危亡之患。或曰吳蜀唇齒之國蜀滅則
吳亡理則然矣。夫蜀蓋藩援之與國而非吳人之
存亡也。何則其郊境之接重山積險陸無長轂之
徑川阨流迅水有驚波之艱雖有銳師百萬啓行
不過千夫軸艦千里前驅不過百艦故劉氏之伐
陸公瑜之長蛇其勢然也。昔蜀之初亡朝臣異謀

或欲積石以險其流或欲機械以御其變天子總
羣議而諮之大司馬陸公陸公以四瀆天地之所
以節宣其氣固無可遏之理而機械則彼我之所
共彼若棄長技以就所屈師荆揚而乘舟楫之用
是天贊我也將謹守峽山以待禽耳。逮步闡之亂
憑保城以延疆寇重資幣以誘羣蠻于時大邦之
衆雲翔電發旌旌江介築壘遵渚襟帶要害以止
吳人之西而巴漢舟師沿江東下陸公以偏師三
萬北據東坑深溝高壘案甲養威反虜蹤跡待戮
而不敢北闕生路疆寇敗績宵遁喪師太半分命

銳師三千西禦水軍東西回捷獻俘萬計信哉賢人之謀豈欺我哉自是烽燧罕警封城寡虞陸公沒而潛謀兆吳釁深而六師蹶夫太康之役衆未盛乎曩日之師廣州之亂禍有愈乎向時之難而邦家顛覆宗廟爲墟嗚呼人之云亡邦國殄悴不其然與易曰湯武革命順乎天玄曰亂不極則治不形言帝王之因天時也古人有言曰天時不如地利易曰王侯設險以守其國言爲國之恃險也又曰地利不如人和在德不在險言守險之由人也吳之興也參而由焉孫卿所謂合其參者也及

其亡也恃險而已又孫卿所謂舍其參者也夫四州之氓非無衆也大江之南非乏後也山川之險易守也勁利之器易用也先政之業易循也功不興而禍邁者何哉所以用之者失也故先王達經國之長規審存亡之至數恭己以安百姓敦惠以致人和寬冲以誘後又之謀慈和以結士民之愛是以其安也則黎元與之同慶及其危也則兆庶與之共患安與衆同慶則其危不可得也危與下同患則其難不足卹也夫然故能保其社稷而固其王宇麥秀無悲毀之思黍離無愍周之感矣



Vertical columns of faded Chinese text, likely bleed-through from the reverse side of the page.

文化獎賞

